

錢  
志  
新  
編

古泉譜之見於經籍志者自  
梁顧氏始唐宋以來如封薛  
董洪之徒皆有纂錄凡大小  
輕重之制銖寸筆諸圖右  
而述事援据間有疏略棘幣  
金刀古篆渺析謗神為巨釋

化為爪幾不免亥豕烏焉之謂  
又如錢紀年號漢興為蜀李壽  
號而指為漢錢且引史記漢興  
以為秦錢難用云可發一粲  
又其甚者趙盾與驁累餓人  
錢百蘇秦貸趙人錢百牽牛

借天帝錢十萬並繪為圖何  
以傳後世安南等錢失所  
致證統云未詳實有不僅加  
秀水朱氏所譏未見海東諸  
紀者矣我

朝

西清古鑑錢錄一書曰文政  
事按狀成園製作源流瞭如  
指掌厥後華亭吳布衣選  
錢齋筆記攷訂確當已久  
為有識者所推今麗瀛張  
君博覽尋書研精篆隸得

古泉若干種殊如拱璧每於  
課往之暇攷歷代鼓鑄之源  
謂古泉之大小輕重年湮世遠  
土之所蝕火之所燔金工童孺  
之所鑠鏗權以銖兩度以寸分  
安有憑準爰獨出手眼上溯

金刀下逮泉布以及蕪心蠟  
鼻馬跡鳥文唐人撒帳之形宗  
代厭陵之用輪郭向籽形諸  
圖畫篆籀籒字楷一肖本文而  
且博徵史冊旁搜稗官於繪  
圖之前志帝王之賢否國祚

之修短以及興亡僭竊固有或  
遺一開卷而了然知作者之  
慘澹經營良非易矣覽是  
編者謂是古泉之志也可謂  
是歷朝之史也亦無不可

道光六年歲次丙戌季夏

之月愚弟湯輅繹山氏序

凡例

一 是書雖屬玩物而略遵史氏歷代帝王均敍大概使  
閱者得考古論世之意

一 舊譜所載有太昊幣少昊金及葛天氏等幣但歷世  
久遠近今罕覩故並不錄

一 每朝必詳明自某帝始至某帝終凡傳幾主歷年幾  
載改元凡幾

一 僞僞之國如始於某甲子終於某甲子仍冠以正統  
之年號

一僭竊諸人若漢之王莽唐之史思明輩卽附於每朝之後使易於繙閱

一外夷錢文如安南高麗日本等國另爲一卷附於明季之末

一壓勝錢及馬錢本無定論故不多載略舉數品以備好奇之士觀覽

一譜中所圖各種錢幣用本錢撮印上版者十居八九較証無訛

一無考古錢近世頗多意是外夷所鑄流傳中國茲以

錢文相類者併次之

一洪志所載有天品神品等名甚覺荒誕其實卽壓勝  
錢之流也故均不錄

一舊譜中諸錢必註明大小輕重然觀近世之錢已有  
不同故已載者仍存其舊缺者不再詳

一泉志所載有周時各戰國諸侯所鑄之錢並皆無字  
及大小難以分別故寧刪除之

一宋錢自孝宗淳熙七年始至度宗之咸淳背文悉鑄  
明年數某錢爲某年鑄今但刊一二品閱者自可類

推庶不煩冗

一吳三桂之利用昭武吳世璠之洪化鄭成功之常平  
耿精忠之裕民等錢俱係叛逆所鑄故不錄

一奇品錢不另列卽附入諸錢之下

前代錢譜目錄

劉氏錢志

顧烜錢譜凡奇品每引劉氏錢志然劉氏何代人已無可考證矣

顧氏錢譜

隋經籍志曰錢譜一卷又錢圖一卷顧烜著洪文安日烜梁時人

封氏錢譜

唐藝文志曰續錢譜六卷封演著按演唐時人由

進士官檢校尚書兼御史中丞

薛氏家藏錢譜

唐薛元超著凡三卷按超與從叔收兄元敬及稷  
德音伯陽並才名相埒收及德音元敬世稱爲河

東三鳳

張氏錢錄

宋藝文志曰錢錄一卷唐張台著按台後唐時人  
然載及馬氏錢則宋初猶在也

陶氏貨泉錄

宋藝文志曰貨泉錄一卷陶岳著按岳祁陽人五  
爲郡守著有文集

金氏泉寶錄

按金光襲宋時人見洪文安泉志序

李氏錢譜

宋藝文志曰古今錢譜十卷李孝美著

董氏錢譜

宋藝文志曰錢譜十卷董逌著按逌字彥遠徽宗  
朝官書學博士爲考古者所尚

洪氏泉志

泉志十五卷宋洪遵著按遵鄱陽人忠宣公皓子  
官同知樞密院使謚曰文安兄适謚曰文惠弟邁  
謚曰文敏兄弟齊名天下稱爲三洪

錢志新編總目錄

卷首

唐

虞

附古今

卷二

夏

商

周

卷三

齊

莒

秦

卷四

漢

附王莽

東漢

蜀漢

吳

卷五

晉 宋 齊 梁 陳

卷六

北魏 北齊 北周 附成 後趙 北燕

卷七

隋 唐 附史忠明

卷八

梁 唐 晉 漢 周

卷九

南唐

前蜀

後蜀

閩

南漢

楚

燕

卷十至十二

宋

附劉豫

卷十三

遼

金 夏

卷十四

元

卷十五

宋

吳

天完

漢

夏

卷十六至十七

明

卷十八

明末諸王

附李自成

張獻忠

卷十九

外夷

安南

高麗

日本

高昌

卷二十

無考古錢

馬錢

壓勝錢

錢志新編卷首

雲間張崇懿麗瀛校輯


唐

帝堯姓伊耆黃帝元孫帝嚳之子號曰堯史記謂帝名  
放勲而孔安國書傳謂堯舜禹皆名也母曰慶都孕  
十四月而生堯於丹陵時高辛氏丁亥歲也育於母  
家伊侯之國後徙耆故曰伊耆氏佐帝摯封植受封  
於陶復封於唐爲唐侯故又曰陶唐氏帝摯在位九  
年以荒淫暴虐天人厭棄諸侯廢摯尊堯爲天子都

平陽在位百載壽一百十六歲以火德王用建寅之  
月爲歲首作歷象以授民時置閏法定四時成歲歷  
草生景星見甘露降醴泉溢鳳凰巢於阿閣麒麟遊  
於藪澤命羿平民害乃繳大風於青邱之澤上射十  
日下殺猰㺄斷修蛇於洞庭擒封豨於桑林定天下  
道里遠近廣狹之名萬民悅服虞舜以孝聞乃徵舜  
登庸以二女妻之納於百揆遂使之攝位禹治水功  
成定九州貢賦入觀告成封於有夏一百載帝崩於  
陽城今登封縣帝之爲君也其仁如天其智如神就之如

日望之如雲富而不驕貴而不舒金銀珠玉不飾錦  
繡文綺不展滌佚之樂不聽奇恠異物不視布衣掩  
形鹿裘禦寒惟存心於天下加志於窮民百姓戴之  
如日月親之如父母仁昭而義立德博而化廣故不  
賞而民勸不罰而民治及其崩也天下如喪考妣三  
年四海之內遏密八音焉

堯布按華氏譜云此布長寸七分肩廣九分下廣一  
寸首長四分廣六分足枝長四分半間廣三分重二  
錢三分其文作秉卽此是也



虞

帝舜姓姚氏號曰舜或曰舜卽名也史記謂舜名重華  
號爲有虞氏黃帝八世孫黃帝生昌意昌意生顓頊  
顓頊生窮蟬窮蟬生敬康敬康生句望句望生螭牛  
螭牛生瞽叟瞽叟生舜母握登氏見大虹意感而孕  
生帝於姚墟卽諸州今蒲故以姚爲姓年二十卽以孝著聞  
堯因封之於虞爲諸侯遂受堯禪而有天下在位五  
十年壽百歲以土德王仍以建寅之月爲歲首踐位  
於蒲阪今蒲封堯之子朱於丹以奉先祀謂之虞賓


示弗臣也以禹爲司空宅百揆棄爲后稷教稼穡契爲司徒敷五教臯陶爲士明五刑垂爲共工理百工益爲虞治山澤伯夷爲秩宗典禮夔典樂龍作納言所謂九官又四岳十二牧凡二十二人求賢才納諫立誹謗木設旌陳鼓以廣直言之路養國老庶老於上庠下庠立兩學以教國士登八元八愷罪四凶恭已無爲而天下大服鳳凰來翔景星出慶雲興乃作箭韶九成之樂造五弦之琴歌南風之詩又爲二十五弦之瑟於是正六律定五聲以通八風禹叙洪範

九疇遂攝政總師使之代已位而薦於天率百官若帝之初四十八載南巡崩於蒼梧孟子云卒於鳴條舜之爲

君也其政好生而惡殺其任授賢而替不肖德若天地而靜虛化若四時而變物所以四海承風暢於異類焉世以伏羲神農黃帝堯舜謂爲五帝而以少昊顓頊高辛三君並列之

當金貨按管子曰舜作乘馬貨當金貨一金二金四金二五金路氏有虞氏紀曰舜得策乘馬之數以作乘馬貨一金二金二四金二五金策乘馬幣注二

五金者重貨也一金者輕貨也當金者當重貨也舜策乘馬長二寸上廣寸二分下廣寸三分首長廣各七分足間五分首足及肩形皆帶圓背面皆有周郭又曰其文當作尙策作乘馬作正陶宰云尙全二字卽當金路史所載六字正與此合但無郭耳




又當金貨形質帶方與前小異而文八字惟當金貨

一二五字可識計卽舜二五金之屬陶宰云中天之世至今四千餘年其金必無存者而今世所傳之當金甚奇古不僞恐是三代時諸侯舜之子孫所鑄




又當金貨一品較上二品畧差小字文漶漫半已無存有小圓眼在首而無好郭疑是後人所穴用以穿繫者




附諸品古金

山陽金路史泉志俱不載然流行於世者似非僞物  
厲鶚樊榭山房集載廣陵程振華得古布二十九種  
面文皆漢代邑名而獨無山陽薛元超以爲高陽氏  
五金之一則又尊信路史矣




安陽金舊譜以爲高陽氏所鑄路史獨曰安陽之陽

字其文頗不類陽此金今世極多銅質青綠文甚細而古樸首足俱帶方稜肩折向上狹緣肉甚輕薄





平陽金舊譜以爲五金之一按顓頊帝未嘗都平陽不應有此號厥後堯都平陽則堯時不應有小篆楊


升庵曰小篆不始於李斯自五帝以來有之此用修  
臆說恐不足據又程氏所藏二十九種之幣雖皆銘  
漢邑然漢用圜法不聞鑄此陸友仁以爲秦分天下  
爲郡縣時所鑄爲近是



安陽二金按此金與安邑金背有安字者相類輪郭  
微小面文四字曰安陽二金陽字止用阜傍其半則  
奏以金字取巧配合省文也路史以爲五金之一




人陽金按此金與平陽安陽二金制作相類上一字不可識文亦纖細可愛未識何代所鑄或云卽高陽氏五金之一種也




又古金一品陽字上一字不可識或云涂陽或云陶陽終在疑似之間大小與平陽安陽等金相同銅質畧厚背文有如右字者下又多一厂亦不可辨余與

霖舟雷君皆有此品金又背有左字下有一一者





北屈金按此金與前諸品金形制正相類青翠可喜



按程氏二十九種金曰鄭曰北屈曰屈邑曰蒲子曰




茲氏曰祁曰上艾曰長子邑曰屯留曰襄垣曰溫曰  
上黨亭曰梁邑曰博平曰尉氏曰武安曰九門曰琢  
曰高唐曰羽曰興曰馬領曰文邑曰梧曰于邑合前  
山陽等四種爲二十九品

屯留金





長子邑金

襄垣金




又古金一品面文一係水字一莫攷形製與襄垣等  
金同而略小

戈邑金形質與前金相同而背有篆文不可辨



又一品金面文二字莫可識足枝帶尖形製與湯二  
金相似

自屯留金以下六種金皆係大興翁覃溪閣學家所藏揚本也



錢志新編卷二

雲間張崇懿麗瀛校輯

夏


夏王禹者姓姒氏史記曰名文命字高密或曰禹卽名也初黃帝生昌意昌意生顓頊顓頊生崇伯鯀鯀娶有莘氏女曰脩己感流星貫昴之祥孕歲有二月而生帝於石紐鄉時戊戌歲之六月六日也舜旣攝位使續父業任司空禹傷父功不成乃勞心焦思居外十三年三過家門不入陸乘車水乘舟泥乘橇山乘

欽定四庫全書  
通志卷一百一十一  
禮  
權左準繩右規矩以開九州通九道陂九澤度九山  
乃行相地所有以貢及山川之便利於是水害皆息  
九州攸同四隩可居告厥成功故曰大禹舜嘉之封  
夏伯賜姓姒使率百揆行天子事遂代舜禪改載爲  
歲卽位於韓卽安以金德王在位八載壽百歲作大  
夏樂仍以寅月爲歲首建旌旗旂旛以辨尊卑等級  
懸鐘鼓磬鐸鞶以待四方之土收九牧之金鑄九鼎  
以象九州圖各州地理貢賦發歷山之金鑄幣以贍  
民之無糧賣子者南巡崩於會稽帝爲人敏給克勤


其德不違其仁可親其言可信聲爲律身爲度爲紀  
爲綱其功爲百神之主其惠爲民父母四極之民莫  
敢不服焉子啟賢紹禹而有天下傳王太康王仲康  
王相王少康王杼王槐王芒王泄王不降王扃王厔  
王孔甲王臯王發王履癸是爲桀桀無道塗炭生靈  
湯乃放之於南巢夏亡凡十七君計四百五十一年  
起甲戌終甲午

安邑貨二金按路史曰禹都陽城在大梁之南今陳  
留俊儀後徙安邑今陝西之夏縣也漢志曰禹自平

陽徙安邑後徙晉陽張台曰長二寸一分肩廣寸三分首廣九分足枝長六分間廣四分半重二十八銖面文有如二字者下安中者兩口相重者背文一字與右邊上面同陶宰云古帝吉幣皆鑄其所都邑名驗此布是安邑貨二金五字云二金者蓋承有虞之制則此爲夏貨未可知也




又一品倒列五字曰安邑貨二金安字與前布微別  
李孝美曰此布長短廣狹輕重與不倒文者相同但  
倒置其字及無背文耳陶宰云洪志載異布所謂自  
炳倒讀其文曰陽之吉貨者疑卽此金也又陸氏續  
錢志所載安邑全貨疑亦此類




安邑二金按此品較前金略小文亦倒置其二字竟

作二豎金字止作上允爲古物



眼



安邑一金貨文亦倒書安邑二字夷漫可疑柄上有


商

商王湯姓乙氏名履一名天乙黃帝之孫帝嚳生契事  
唐虞爲司徒封國於商契生昭明昭明生相士相土  
生昌若昌若生曹圉曹圉生冥冥生振振生微微生  
報丁報丁生報乙報乙生報丙報丙生壬壬生主癸  
主癸生帝以其應天順人武功告成故曰成湯在位  
十三祀壽百歲國號曰商改歲曰祀定都於毫以丑  
月爲歲首改正朔易服色論諸侯功罪立古聖賢有  
功者之後及禹後以寬治民除其邪虐順民所喜遠

近歸之發莊山之金鑄幣賑民施仁祝網懷柔萬邦  
勒盤銘以日新其德大旱七年禱於桑林以六事自  
責言未已而大雨降歲大熟天下讓洽遂作桑林之  
樂名曰大濩傳王外丙王仲壬王大甲王沃丁王太  
庚王小甲王雍己王太戊是爲中宗王仲丁王外壬王河  
亶甲王祖乙王祖辛王沃甲王祖丁王南庚王陽甲  
王盤庚改國號爲殷王小辛王小乙王武丁是爲高宗王  
祖庚王祖甲王廪辛王庚丁王武乙王太丁王乙王  
辛是爲紂無道毒流四海周武王伐而滅之凡三十

君共六百四十四年起乙未終戊寅

湯二金長徑二寸許足肩俱帶方字亦方折色如翠羽文特隆起陶宰云湯下去勿綴土者省文也然稱湯乃後世所鑄憲章祖制以名如齊太公貨之類





商布十貨按此布長三寸餘闊寸餘面文四字背文

二字重十二銖李孝美曰古布中惟此爲最大舊譜  
載商布正與此篆文彷彿幕文作十貨二字貨字於  
七稍曲於目作橫取巧特甚允爲三代之物



公字金其制類湯金而大小遠甚而文一字曰公背文有上疑是古文上字蓋古篆上字只作上也



又古金一品一面篆文二字有類商金中俗稱扶比二字者一面則商貨二字無疑但此金與商布十貨大小相去懸殊耳



按古者十黍爲絫十絫爲銖八銖爲鎰二十四銖爲  
兩十六兩爲觔一觔凡三百八十四銖今則用毫厘  
分錢兩矣

周


武王姓姬氏名發其先帝嚳之妃姜嫄踐巨人跡而生子以爲不祥欲棄之因名曰棄爲堯農師封於邰號曰后稷生不窪不窪生鞠鞠生公劉公劉生慶節慶節生皇僕皇僕生差弗差弗生毀隃毀隃生公非公非生高圉高圉生亞圉亞圉生公叔祖類祖類生古公亶父始遷岐改國曰周長子泰伯次子仲虞少子季歷生文王昌其德滋大昌子武王始伐紂一戎衣而有天下在位七年壽九十三改祀爲年以火德王

用建子之月爲歲首都於鎬今陝陽縣反商舊政釋箕子  
囚封比干墓表商容閭散鹿臺財發鉅橋粟遷九鼎  
於洛邑放牛歸馬示不復用立井田法建學養老作  
大武樂大封諸侯凡七十一國立謚法陳洪範作族  
葬郊珍奇弔問窮民鑿夷通道天下歸心焉傳成王  
康王昭王穆王共王懿王孝王夷王厲王宣王幽王  
寵褒姒爲犬戎所弑平王遷都王城今河南號爲東周  
再傳桓王莊王釐王惠王襄王頃王匡王定王簡王  
靈王景王悼王敬王又遷成周黔洛元王貞定王哀

王思王考王威烈王安王烈王顯王慎靚王赧王王  
與諸侯伐秦秦遂入寇王乃盡獻其邑三十六歸而  
卒明年周民東亡於鞏而東周君尙延先祀凡有七  
邑又七年爲秦昭襄王所滅自武王至赧王共三十一  
七君計八百六十七年合東周君七年統計八百七十  
有四年起己卯終壬子

無字錢漢志云太公爲周立九府圜法錢圜函方荀  
悅曰外圜內方按古錢有一種面突背平而穿極大  
者爲最古俗謂之古老錢別有一品面背肉好俱有

周郭鑄極工緻允爲三代之遺又洪志所載戰國時各諸侯亦鑄無字圓錢今已莫可分別




寶貨漢志曰周景王患錢輕更鑄大錢文曰寶貨肉好皆有周郭以勸農贍不足百姓蒙利焉唐固曰重十二銖鄭衆曰錢始一品自景王鑄大錢而有二種後數變易終不失本制或曰又作大泉五十故顧烜錢譜金光龔錢寶錄等書以大泉寶貨兩存之至董

造錢譜始去太泉五十只存寶貨一品余謂此錢當以班固漢史爲正董譜得之按國語曰景王二十一年將鑄大錢單穆公曰不可勿聽卒鑄之賈達曰大錢者大於舊其價重也



重一兩十二銖錢按此錢銅質純赤面隆幕平內作環眼其重字銖字筆法奇古其爲周制無疑苟悅漢

紀曰周錢皆有文顧烜曰周錢重十二銖殆卽此耶  
重一兩十二銖者乃錢雖名一兩實重十二銖也銖  
字於珠字上加一畫者蓋用假借也



錢志新編卷三

雲間張崇懿麗瀛校輯


齊

侯爵裔出炎帝孫伯夷爲四岳佐禹治平水土有功乃賜姓姜氏曰呂謂之呂侯其國在南陽宛縣之西商末太公望起漁釣爲周文武師號師尚父以功封於營邱爲齊侯今山東臨淄縣傳國於丁公至十二世爲桓公能相管仲匡扶王室天下賴之爲五霸長再傳十四世至康公田和篡之凡三十君共得國七百


二十四年

齊貨刀按漢書食貨志曰太公立九府圜法後又行之於齊至管仲相桓公通輕重之權遂顯霸名洪氏曰春秋時至戰國鑄錢立幣各擅其利惟齊制見之管子諸國皆無稽攷唐荆川曰齊刀貨作化陶宰曰齊字下少月缺二亦古體太公二字以太字之人借作公字之八刀布中往往有此窮研熟審自可得之然稱太公乃其後世所鑄舊譜曰圜廣九分把長二寸廣五分幕有文兩道身長三寸五分廣九分重一

兩三錢圓郭俱隆起幕平文曰齊太公貨



又一種背文有伯字大字者銅質俱青翠可喜




宮


子爵已姓出少昊之後周武王封茲輿期於莒陽城今山東莒州是也按莒夷君有號而無謚自輿期十一傳至茲不始見於春秋共公庚輿而下微不復見又四世楚滅之時周考王十年庚戌歲也

莒刀按此刀於諸刀中爲至小世謂之莒小刀其背文有左字下有八有义者右字下有八有𠂇者又有右文二字及方字者其品至多不能悉載面文一字或云古文之莒字又一種背有一行字者刀形稍異


與無字古刀形同




無字刀按管子曰先王用珠玉爲上幣黃金爲中幣



刀布爲下幣李孝美曰先王刀布文字制度書所不載然今世古刀異布甚多豈非當時所用者乎路史載古布文極稱淹博而不及刀意者古刀皆無字故難援證與或曰無字者亦謂莒刀與有字者另爲一種耳




行字刀形制彷彿莒刀但略潤大而刀頭帶尖面文  
有一字曰行按薛元超錢譜曾載此品陶宰曰此刀  
體制不類齊刀與巳字刀絕相肖疑另爲一國之貨  
面文作彳亍相對頗似行字又有一品無字者





五



秦

非子者始顓頊女孫曰女脩生子大業大業生大費是爲伯翳佐禹平水土有功賜姓嬴十四世孫蜚廉生惡來惡來元孫非子爲周孝王主馬乃封爲附庸而邑之秦今陝西咸陽府五傳至襄公伐犬戎有功平王始封





爲諸侯伯爵又七傳至穆公始霸再十八傳至昭襄王始滅周孫莊襄王無子納呂不韋之妾生子政胃姓嬴秦遂亡自非子至莊襄王凡三十五君共六百四十二年 按政襲位二十餘年併吞六國天下歸

一自謂德兼三皇功過五帝乃更號爲皇帝革除謚法自爲始皇帝以後二世三世至於萬世傳之無窮罷封諸侯分裂天下爲三十六郡郡置守尉監收兵器聚咸陽銷爲鐘鑄及金人十二號曰翁仲燒詩書所存者醫卜種植之書語詩書者棄市以古非今者族阤諸生築長城封太山禪求不死藥東巡崩於沙邱丞相李斯宦者趙高矯詔殺太子扶蘇立胡亥爲二世皇帝二世亦殘暴無道立三年復爲趙高所弑立子嬰爲三世皇帝未幾降於沛公項羽攻破咸陽

殺子嬰掘始皇塚而秦亡自昭襄王五十二年滅周起至始皇二十六年止共四十九年始丙午終甲午混一凡十五年又五年漢滅楚天下歸漢

半兩按史記平準書曰秦至關中鑄錢銅文曰半兩重如其文漢書食貨志曰秦并天下鑄錢銅質如周文曰半兩蓋錢之形質如周唯文少異耳顧烜曰始皇鑄半兩錢重十二銖敦素曰嘗得此錢徑一寸三分重止八銖今按此錢皆無輪郭篆文古樸有二品一

品兩作兩



錢志新編卷四

雲間張崇懿麗瀛校輯





漢

高祖姓劉氏名邦沛人平秦滅楚而有天下在位十二年壽五十三按帝不階尺土卒成帝業所謂天授非人力也然約法三章除秦苛政楚漢興亡其在斯乎迨彌留之際預知安劉必勃慮事何深遠也惟分一杯羹枕宦臥輕士善罵菹醢功臣使太公迎門呂后失德不無遺憾焉然其所以得天下惟能任三傑耳傳




惠帝呂后文帝景帝武帝昭帝宣帝元帝成帝哀帝平帝孺子嬰凡十三主計二百十一年是爲西漢王莽篡之僭號十七年

呂后名雉高祖后也佐高祖定天下大臣素所畏服惠帝崩后遂稱制八年之中失德尤多滅劉王呂幾移漢祚迨陳平周勃輩鉏去諸呂始復還漢業按高后紀曰二年行八銖錢顧烜曰高后既患莢錢之輕又苦秦錢之重故更鑄八銖錢文亦曰半兩重八銖六年又行五分錢


文帝名恒高帝孫在位二十三年壽四十六起壬戌終  
甲申帝專以德化民凡有書疏未嘗不聽更詔除內  
刑海內安康家給人足太倉之粟陳至腐敗史記曰  
孝文更鑄四銖錢文仍曰半兩有逆文及對文者



武帝名徹景帝之子在位五十四年壽七十一起辛丑  
終甲午始建年號改元凡十一建元元光元朔元狩  
元鼎元封各六年太初天漢太始征和各四年後元  
二年按帝雖能興賢育才然喜大好功窮兵黷武士  
地增廣而財用竭焉武帝紀曰建元元年二月行三



銖錢重如其文五年罷三銖行半兩錢顏師古曰又新鑄作也封演以半兩重三銖而穿下有三豎文者謂卽三銖此說未確按三銖錢無輪郭似半兩但傳世獨少故當時諸譜未曾載入



五銖錢元狩五年罷半兩行五銖錢漢志曰有司郡國請鑄五銖錢周郭其質令不可磨取鎔焉孟康曰周匝爲郭文漫皆有是爲赤側五銖以一當五官用




非赤側不行至元始中成錢二百八十億萬餘舊譜  
曰錢厚大者徑一寸重五銖又有一種對文者微小



附新莽

拔王莽篡漢改國號曰新凡十七年改元凡三日始  
建國曰天鳳曰地皇起丙寅終壬午四方兵起奉宗  
室劉元爲帝破長安諸將爭殺莽莽校尉公賓就斬  
其首漢書曰莽變漢制以周錢子母相權乃更造大

錢徑一寸二分重十二銖文曰大泉五十有二品一  
懸針文一玉筋文又一種五十二字反行又有背有  
龜蛇星劍者




小泉直一食貨志曰王莽鑄壯泉四十徑一寸重九  
銖中泉三十徑九分重七銖幼泉二十徑八分重五  
銖么泉一十徑七分重三銖小泉直一徑六分重二  
銖與大泉五十並行凡六品是爲泉貨今世所有惟  
小泉直一條所見者俱係僞物故不錄



契刀錯刀食貨志曰契刀其環如大泉身形如刀長  
二寸文曰契刀五百錯刀形同文曰一刀平五千一


刀二字以黃金錯其文又一種如大泉惟契刀二字




貨布漢志日莽天鳳元年作貨布長二寸五分廣一  
寸其圓好徑一分半足枝長八分重二十五銖以一

當貨泉二十五文又鑄布十種曰小布么布幼布厚  
布差布中布壯布第布次布大布自當一百始遞增  
至一千止自重十五銖增至二十四銖止自長一寸  
五分加至二寸四分止又一種洪志以爲大黃布刀  
陶宰以爲大布黃千錢述曰大黃布刀了無意義且  
篆文刀字豈有中多一點蓋千字也黃卽橫字古黃  
橫衝三字通用橫者平也蓋平卽直之意乃十布中  
之大布直千也今但錄貨布及此布二品餘布俱未  
之見故概不圖


貨泉洪氏曰徑一寸重五銖每枚直一漢官儀曰莽  
鑄貨泉其文爲白水真人光武居白水鄉乃應其瑞  
有二品懸針文者俗謂之男錢又有反文及對文者



東漢




布泉李孝美曰徑九分重四銖背面肉好皆有周郭  
舊譜曰徑寸懸針文者謂之男錢言佩之則生男




光武帝名秀字文叔景帝七世孫在位三十三年改元  
二建武三十一年元二起乙酉終丁巳壽六十二按  
帝以南陽布衣起兵誅莽神武中興任用鄧禹馮異  
輩爲二十八將以上應列宿然廢后易子信識封禪  
不免爲盛德之累也傳明帝章帝和帝殇帝安帝順  
帝冲帝質帝桓帝靈帝獻帝凡十二主計一百九十  
五年是爲東漢曹丕篡之自高祖元年乙未起至獻  
帝建安二十四年己亥終共四百又六年後漢書食  
貨志曰建武十六年三月丙申始鑄五銖錢蜀中童

謠云黃牛白腹五銖當復至是應之按光武之五銖  
錢銅質文字精好特甚



靈帝名宏章帝之元孫在位二十一年改元凡四建寧  
四熹平六光和六中平六起戊申終己巳壽四十四  
帝初即位陳寶輦同心佐治天下延頸以望太平無  
何寵任常侍十三人同時封侯流毒縉紳卒致黃巾  
倡亂社稷危亡後漢書曰中平三年鑄四出錢錢背

四道識者謂錢成必四道而去及京師大亂錢果流布四海此錢徑一寸重四銖謂之角錢



獻帝名協靈帝之弟在位三十一年改元凡三初平四  
興平二建安二十五起庚午終庚子按帝雖非昏庸  
然國運告終亂賊四起遂使曹操肆虐帝之舉止動  
靜一聽挾持至立魏宗廟而不敢問進爵自王而不  
敢言杖殺國母而不敢教徒曰我亦不知命在何時

何其慘耶竟爲操子丕所篡漢書董卓傳曰卓更鑄小錢悉取洛陽及長安銅人馬之屬以充鑄錢無輪郭文章不便人用魏志曰卓鑄小錢大五分無文章不磨鏽後漢紀曰卓更鑄五銖錢無輪郭不可把持按此錢輕薄如紙穿極大亦有字者曰大泉五十








蜀漢

昭烈帝名備字元德中山靖王勝之後得諸葛孔明爲

輔出奇制勝更以關張馬趙之雄每戰必克故能取  
兩川成帝業在位二年改元章武壽六十三傳子後  
主禪踐位四十一年爲魏司馬昭所滅壽六十五自  
章武元年辛丑至後主炎興元年癸未共四十三年  
帝雖偏安蜀中然以帝室之胄曹丕篡漢始稱尊號  
武擔卽位猶鄗南踐祚也後主初尙克遵遺命父事  
孔明連吳伐魏明討賊之義迨孔明亡卽信任黃皓  
政遂廢弛漢亦隨亡矣蜀志曰先主初拔成都軍用  
不足鑄直百五銖錢顧烜曰徑一寸一分重八銖洪



氏曰凡四種有徑九分重五銖者背面有周郭字文  
明坦徑七分重三銖八參者形製窳薄背文穿左有一  
爲字者背面粗惡又鑄直百二字錢徑七分重四  
銖又傳形五銖錢五字在左銖字在右俗稱蜀錢



吳

大帝名權姓孫氏字仲謀承父破虜將軍堅兄討逆將軍策之遺業文有周瑜魯肅武有甘寧黃蓋太史慈等以成帝業與蜀魏鼎足三分世稱曹操爲奸雄昭烈爲梟雄而權獨稱英雄焉然不能體父兄翊漢之心思魯肅同仇之語并力以除漢賊與蜀敗盟此其瑕也在位三十年壽七十一改元凡五黃武七黃龍三嘉禾六赤鳥十三太元一起壬寅終辛未傳廢帝亮景帝休烏程侯皓皓以奢侈暴虐剝面鑿目民命

不堪爲晉所滅凡四主計五十八年起壬寅終庚子  
大泉五百按吳志曰大帝嘉禾五年春鑄大錢一當  
五百洪志曰此錢徑一寸一分重四銖六參今世有  
之舊譜曰徑一寸二分重十二銖文曰大泉五百



大泉當千按吳志曰大帝赤鳥元年鑄當千大錢洪  
志曰此錢有二品大者徑寸五分重十二銖文字夷  
漫輪郭重厚頗難得之小者徑寸三分重七銖二參

世多有之舊譜曰徑一寸四分重十二銖文曰大泉  
當干江表傳曰赤烏九年大帝詔曰謝宏往日諫鑄  
大錢以廣物貨故聽之今聞民間以爲不便其卽省  
息之改鑄爲器物勿復出也晉書食貨志曰晉自中  
原喪亂元帝過江但用孫氏之舊錢輕重雜行其大  
者謂之比輪小者謂之四文

